

INUIT ATAQATIGIIT

Inatsisartuni



UKA2020/54
24. november 2020
Sofia Geisler

Atuarfik pillugu inatsisip atuuttup allanngortinneqarnissaanut, taamalu meeqqat atuarfianni tamani isumaginninnermut siunnersortimik imaluunniit inummik isumallutigineqarsinnaasumik minnerpaamik ataatsimik atorfinitisoqartalernissaa anguniarlugu siunnersuusiornissamut Naalakkersuisut peqquneqarnissaannik Inatsisartut aalajangiiffigisassaattut siunnersuut. Meeqqat pisariaqartitsisut atuarfimmut tunngassuteqanngitsunik ajornartorsiutigisinnaasaminnik oqaasinngortitsinissamut, ikiorneqarnissamullu periarfissinneqarnissaat atorfinititsinerup qulakkiissavaa.

(Inatsisartunut ilaasortaq Nivi Olsen, Demokraatit)

Imaalluarsinnaavoq apeqqutini allani partiitut tunngaviusumik isummagut aatsaat taama imminnut ungasitsigilersimasut – imaluunniit assigiingissutaat aatsaat taama ersaritsigilersimasut – allaat qanilleriarsinnaanngitsutut isigineqarluta – qinersisartut ilaata ippassigami apuussineratut; “aatsaat taama immissinnut ungasitsigilerunarpusi”.

Taamaalluarsinnaavoq, kisianni taamaattuaannartariaqanngilaq.

Qinigaaffiup aallartinneraniit maannamut inersuarmi maani ataatsimiitaliamilu susassaqartumi meeqqat atuarfiat pillugu partiit akimorlugit suleqatiginnerput annertusiartuinnartoq peqataaffigisutut misiginera uummammik pisumik nuannaarutigalugu oqaatigerusuppara. Ersarissiartuinnarpooq tigussaasumillu malitseqartinneqartarnera takussutissaqaleraluttuinnarluni meeqqat atuarfiat pillugu iliuuseqarusunnerput iliuuseqarnerpullu.

Kommunet inatsimmik atuutsitsinerat ataqqivarput, illuatungaatigulli inatsisiliortutut inersuarmi maani pitsaanerpaaq siunertaralugu peqataanerput maluginngitsuugassaanngilaq. Suliassaq imaannaanngitsoq kommunet peqatigalugit qanimullu suleqatigalugit kivitassarivarput.

Siunertarisarput ersarippoq – tassalu meeqqat atuarfiat meeqqanut amerlanerpaanut iluatsitsiffiussasoq, ilinniartitsisut suliassaminnik tassalu ilinniartitsinermut meeqqanik qanimut peqateqarnerminnut piffissartik atussagaat, immikkut sammisariaqartut atorfissaqartitsisullu taamatut suliaqartussanik isumagineqassasut, angajoqqaallu toqqissismallutik ilinniartitsinermut suliassaq ilinniartitsisunit isumagineqartoq naatsorsuutigissagaat.

Meeqqat atuarfiat tassaavoq inuiaqatigiit qanoq innerata tarrorsorfia. Sumulluunniit pigaluarutta, suliffeqarfimmut sumulluunniit iserutta taakku aamma inuiaqatigiit qanoq innerannik tarrorsorfigisarpagut.

Inuiaqatigiit – taamalu aamma meeqqat – imaannaanngitsumik inissisimasunik ilaqrnerput nassuerutigalugu kommunet, inatsit aallaavigneqartoq taama pisussaaffiliinngikkaluartoq, immikkut iliuuseqarnermikkut inunnik isumaginninnikkut siunnersortinik inulerinermillu suliaqartunik allanik atorfinititsisalereeput.

Ilinniartitaanermut Ataatsimiitaliap siorna Qeqertarsuup Tunuani angalanermini pulaarpaa atuarfik inunnik siunnersortimik atorfefqartitsilereersimasoq, oqariartuutaavorlu taamatut atorfefqartitsinikkut suliassat nukissaqarfiginngisaralugit piffissaqarfigineqalersimasut, siusinaartumillu iliuuseqarnissamut

tamanna aqqutissiuusseqataasoq. Kujataani kommune illoqarfinni arlalinni taamatulli atorfinititsiterekersimavoq, soorlulu aamma Qeqqata Kommuneani taamatut iliortoqareersoq.

Naliliinerit takutippaat inunniq isumaginninnermi siunnersortitut allatulluunniit ikorfartortinik atorfinititsinikkut meeqqat ikittuunngitsut oqaloqateqarnissaannut periarfissinneqareersut, taamalu inersimasumik saaffigineqarsinnaasumik atuarfiup iluaniittumik tulaavigisamik ersittumik peqalernerata meeqqat atorfissaqartitsisut eqqisisimanerulernerannik malitseqartartoq amerlasuutigut takussutissaqalereersoq.

Naliliinerit aamma ersersippaat meeqqanut ilinniartitsisunut allanullu atuarfimmi sulisunut toqqissisimanerpaasoq inunniq siunnersortitut ilinniarsimasunik allanilluunniit ikorfartortinik atorfinititsinermi atuarfiillu arlaliusimappata atuarfiit tamarmik immikkut sulisoqartarnerat, tassalu inuk ataaseq atuarfiit arlallit akornanni paarlakaattumik sulippat tamanna toqqissisimannginnermik malitseqarsinnaasoq malugineqareersoq.

Ilaqtariit taamalu aamma meeqqat ikorfartorneqarnissaminik atorfissaqartitsisut ikiliartunngitsutut ipput. Isigisassagut tassaapput atuartut ilikkarusuttut ukkatarinissaat, atuartut immikkut sammisariallit ukkatarinissaat, aammalu isigisassagut tassaapput ilaqtariit tamarmiullutik atuarfimmiillutik ilikkagassanik imaluunniit ileqquliussimasanik allanngortitassanik assigiinngitsunik sammisaqarnissaminut atorfissaqartitsisut.

Inunniq isumaginninnermik ilinniarsimasumik imaluunniit taamatut isumalluutigineqarsinnaasumik atuarfinni atorfinititsinissamik kommunet inatsisitigut pisussaaffeqanngillat. Kommunet pisussaaffeqanngikkaluarlutik atorfinititsinissaminut aqqutissiuussisut nersualaagassaapput. Anguniagassarput tassaavoq inatsisitigut pisussaaffiliinissaq – allatut ajornarmat, tassalu meeqqat amerlanerpaat iluatsitsitsillutik meeqqat atuarfianniittarnissaat angorusukkatsigu.

Inunniq isumaginninnermi siunnersortit atuarfimmi suleqataanermikkut meeqqat, qularnanngitsumillu aamma angajoqqaat, siusinnerusukkut ikorfartornissaannut aqqutissiuusseqataassapput.

Nivi Olsenip siunnersuutaar taperserparput, qularutiginnginnatsigu aqqutissiuussissasoq meeqqat atuarfiannut nukittunerusumut. Taamaammat ataatsimiititaliamut susassaqartumut ingerlaqqinnissaa innersuussutigvarput.